



Aasiaat 24 september 2015

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

Apeqqu(it):

1. Qaleralinniarnermi aqutsiveqarfinni Qeqertarsuup Tunuani, Uummannap, Upernaviullu eqqaani killeqarfiit killeqangitsumik aalisarfiusinnaasut pillugit nalunaarusiaq qaqugu avammut saqqummiunneqassua ?
2. Killeqangitsumik aalisarfiusinnaasut pillugit allangortitsinissaq siunertaralugu Naalakkersuisut suliaqarniarpaat ?
3. Nalunaarummi allanguutissanik suliarinnittoqassappat qanoq allanguisoqarniarpa ?
4. Killeqangitsumik aalisarfiusinnaasuni unioqutissilluni aalisartoqarsimaneranik unnerluussinerit qassiuppat ?

(Inatsisartuni ilaasortaq Ane Hansen, Inuit Ataqatigiit)

Tungavilersuut:

Siorna Inatsisartuni amerlanerussuteqartut aaliagigaat tungaviagalugu qaleralinniarnermi aqutsiveqarfiit Qeqertarsuup Tunua, Uummannaq, Upernaviullu eqqaani aqutsiveqarfinni killeqarfinnik ammaasoqarpoq killeqangitsumik qaleralinniarluni aalisarfiusinnaasunik. Piujuannartitsinissaq nugusaataangitsumillu pisuussutunik uumassusilinnik atuinissamut politikkimut illuatugiliuttutut oqaatigineqarsinnaasumik. Tamanna pillugu arlalitsigut tungavilersukkamik isornartorsiuisoqartarpoq ilaatigut aalisaartut kattuffianiit illuatugileruminaatsunik isornartorsiuisoqartarluni. Siunissami piujuannartitsinissaq nugusaataangitsumillu tungaveqarluni aalisarnermik aqutsineq innarlerneqassangippat aalisarfiusuni aqutsinermi tungaveqarnissaq inassutigineqaaq. Ingammik ukiuni makkunani nunarsuarmioqatigiit nugusaataangitsumik aalisarneqarsimasuinnarnik pisiumanerisa nalaanni, aalisarfiit tamarmik pisisartullu piumasaanut naapertuuttumik aqunneqartariaqarput pisisartunik akigissarnerusunik annaasaqassangikkaanni.

Akissutit ullut suliffiusut qulit qaangiutinnginnerini tunniunneqarnissaat qinnutigineqarpoq.